



*Þökkum lesendum okkar
samfylgdina á liðnu ári
með ósk um gleðileg jól
og farsæld á nýju ári*



Nýr Landspítali staða framkvæmda og fréttir af verkefninu

- Samningsundurskrift vegna uppsteypu á rannsóknahúsi
- Opnun forvals vegna hönnunar á nýrri legudeild Sjúkrahússins á Akureyri
- Samningsundurskrift vegna jarðvinnu við nýbyggingu Grensásdeildar Landspítala
- Markaðsmorgunn NLSH í samstarfi við Samtök iðnaðarins
- Uppsteypa meðferðarkjarna, margt áunnist á liðnu ári
- Aðventumálstofa NLSH
- Starfsmenn FSRE í heimsókn
- Tilboð opnuð í verkeftirlit

Samningsundirskrift vegna uppsteypu á rannsóknahúsi



Frá samningsundirritun: Svava María Atladóttir, Landspítala, Páll Daníel Sigurðsson, framkvæmdastjóri Eyktar ehf, Willum Þór Þórsson, heilbrigðisráðherra og Sólrún Lovísa Sveinsdóttir, NLSH ohf.

Þann 8. desember var skrifað undir samning NLSH við Eykt ehf. um uppsteypu á rannsóknahúsinu. Heilbrigðisráðherra, Willum Þór Þórsson, og Páll Daníel Sigurðsson, framkvæmdastjóri Eyktar ehf. undirrituðu samninginn og auk þess voru samningsvottar Svava María Atladóttir framkvæmdastjóri þróunarsviðs hjá Landspítala og Sólrún Lovísa Sveinsdóttir verkefnastjóri rannsóknahúss hjá NLSH.

Willum Þór Þórsson heilbrigðisráðherra sagði við undirritunina að þetta væri stór áfangi í heildaruppbyggingu Landspítala og að öflugt vísinda- og rannsóknastarf sé eitt af grundvallarskilyrðunum fyrir því að heilbrigðisþjónusta uppfylli hæstu gæðakröfur og standist samanburð við önnur lönd.

„Rannsóknahúsið mun sameina alla rannsóknastarfsemi spítalans á einn stað og um leið gjörbylta aðstöðu okkar til rannsókna og vísindastarfa. Gert er ráð fyrir að húsið beri þyrlupall, sem myndi þá tengjast bráðamóttöku og fleiri deildum í meðferðarkjarna um tengibrú, mikilvægt öryggishlutverk þegar kemur að sjúkraflutningum og bráðaviðbragði í landinu,“ segir Willum.

Gunnar Svavarsson framkvæmdastjóri Nýs Landspítala sagði að það færi vel á því að þegar uppsteypu í meðferðarkjarnanum er nær lokið að hefjast handa sunnan megin Burknagötu í rannsóknahúsinu.

„Niðurstaða útboðsins varð sú að Eykt ehf. var með hagstæðasta tilboðið, sama verktakafyrirtæki og sinni uppsteypuverkefnum í meðferðarkjarna og sinnir nú byggingu bílastæða- og tæknihússins, sem vissulega ætti að vera til betri samræmingar á verkswæðinu við Hringbraut, öllum aðilum í hag. Vonandi verður þessi fyrsti steypuvetur okkur góður þannig að húsið komist fljótlega upp úr jörðinni,“ sagði Gunnar.

Opnun forvals vegna hönnunar á nýrri legudeild Sjúkrahússins á Akureyri



Forval um þátttöku vegna hönnunar á 9.200 m² nýs húsnæðis fyrir legudeild Sjúkrahússins á Akureyri opnað nýlega

Forval hefur verið opnað vegna þátttöku í hönnun á nýrri legudeild Sjúkrahússins á Akureyri (SAK). Verkefnið felur í sér hönnun á 9.200 m² nýbyggingu ásamt lóðarhönnun og aðkomu að deiliskipulagsbreytingu.

Gert er ráð fyrir að nýbyggingin verði staðsett sunnan við núverandi byggingar á lóð SAK og tengd núverandi húsnæði. Á þriðja tug aðila, sem mynda sex hópa, sendu inn þátttökutilkynningu. Í framhaldinu verða fimm hópar valdir til þátttöku í útboðinu þegar forvalsnefnd hefur metið innsend gögn.

Ef niðurstaða lendir á jöfnu mun fulltrúi sýslumanns draga út þann hóp sem ekki fær boð um að taka þátt í útboðinu.

Arkþing Nordic
Exa nordic
Lota ehf.
Myrra hljóðstofa
Líf byggingar

EFLA
ASK arkitektar
Ratio arkitekter

Mannvit
Arkís arkitektar

Verkís
TBL arkitektar
JCA Ltd
Brekke & Strand

VSÓ ráðgjöf
Hornsteinar arkitektar
Brunahönnun
Brekke & Strand
Niras

Teiknistofan Tröð
Teknik verkfræðistofa
TKM hönnun
Örugg verkfræðistofa
Hljóðvist
Kanon arkitektar

Samningsundirskrift vegna jarðvinnu við nýbyggingu Grensásdeildar Landspítala



Magdalena Ásgeirsdóttir yfirlæknir Grensásdeildar LSH, Gunnar Svavarsson framkvæmdastjóri NLSH, Óskar Ólafsson Óskatak og Sigríður Guðmundsdóttir hjúkrunardeildarstjóri Grensásdeildar LSH

Þann 20. desember var skrifað undir samning við Óskatak ehf vegna jarðvinnu við nýbyggingu Grensásdeildar Landspítala.

„Áætlað er að jarðvinnu ljúki í apríl 2024 og mun þá vinna við uppsteypu viðbyggingar hefjast í kjölfarið. Gert er ráð fyrir að framkvæmdum verði að fullu lokið á árinu 2026,“ segir Sigurjón Sigurjónsson verkefnastjóri hjá NLSH.

Markaðsmorgunn NLSH í samstarfi við Samtök iðnaðarins



Markaðsmorgunn NLSH er nýjung í upplýsingagjöf til hagaðila varðandi framkvæmdir og útboð




Fjölmennt var á markaðsmorgni NLSH

13. desember var haldinn „markaðsmorgunn NLSH“ í samstarfi við Samtök iðnaðarins á Grand hóteli. Í upphafi fundarins voru flutt nokkur erindi og í kjölfarið var fyrirspurnum svarað um stöðu framkvæmda NLSH og um innkaupaverkefni þeim tengd. Jafnframt gafst fundarmönnum kostur á að ræða við starfsmenn NLSH sem sinna framkvæmdum og útboðsmálum og fá þannig upplýsingar um hvað sé á döfinni. Fundurinn var vel sóttur og almenn ánægja með þetta nýja form á upplýsingagjöf félagsins.

„Fundurinn er liður í upplýsingagjöf NLSH til markaðarins. Markmiðið er að fyrirtækin þekki verkefni okkar og að auka þátttöku í útboðum NLSH. Það er okkur mjög mikilvægt, í þeim verkefnum sem efst eru á baugi hjá okkur, að hitta hagaðila frá fyrirtækjum í ólíkri starfsemi. Einnig vil ég þakka samstarfið við Samtök iðnaðarins og vonast til að við getum endurtekið þennan viðburð síðar,“ segir Jónas Jónatansson teymisstjóri áætlana- og innkaupa hjá NLSH.

Uppsteypa meðferðarkjarna, margt áunnist á liðnu ári



Samanburðarmynd, framkvæmdir við meðferðarkjarna 2022 – 2023

Það má segja, þegar árið er senn á enda, að margt hafi áunnist í framkvæmdum við Hringbraut á liðnu ári og einnig hefur verið hafist handa við ný verk. Meðferðarkjarninn hefur risið hratt upp úr jörðu og hefur náð endanlegri hæð sem er mikill áfangi, segir Árni Kristjánsson staðarverkfræðingur NLSH.

„Uppsteypa í bílastæða- og tækni húsi er í fullum gangi og nú er unnið á þriðju hæð í bílastæðahluta og á annarri hæð í tæknihlutanum. Í bílakjallara undir Sóleyjartorgi er góður gangur í uppsteypu og búið að steypa milliþötu að hluta. Í byrjun næsta árs klárast uppsteypa meðferðarkjarnans, en þá hefst frágangur inni í byggingunni ásamt uppsetningu á vinnulýsingu. Stefnt er að uppsetning útveggjaeininga verði langt komin í lok næsta árs og þakfrágangur fylgi þar í kjölfarið. Ásýnd hússins mun með þessu breytast töluvert og fer að taka á sig endanlegt útlit. Undirbúningur á uppsteypu á rannsóknahúsi er hafinn og hefst uppsteypan strax á nýju ári. Áætlað er að uppsteypu bílastæðakjallara og á bílastæða- og tækni húsi ljúki haustið 2024. Byrjað er að grafa fyrir grunni byggingar Heilbrigðisvísindasviðs Háskóla Íslands og áætlað að uppsteypa byrji á næsta ári. Það er því allt á fullri ferð í framkvæmdum nú við árslok,“ segir Árni.

Aðventumálstofa NLSH



Margrét Eir og Börkur Hrafn fluttu fallega jólatónlist á aðventumálstofunni

Þann 7. desember var haldin hin árlega aðventumálstofa NLSH en félagið hefur staðið reglulega fyrir málstofum fyrir hagaðila um framgang verkefna félagsins. Gunnar Svavarsson, framkvæmdastjóri NLSH, fór yfir stöðu dagsins í opunarávarpi en dagskrá málstofunnar fjallaði að þessu sinni um hönnunar- og framkvæmdatriði, en einnig um starfsemi Sjúkrahúss Akureyrar (SAK) og hugbúnaðarúttekt.

Dagskráin var fjölbreytt:

- Gunnar Svavarsson framkvæmdastjóri NLSH – staða dagsins.
- Ásbjörn Jónsson sviðsstjóri framkvæmdasviðs NLSH – framkvæmdaverkefni NLSH.
- Jón Ólafur Ólafsson, arkitekt TBL hönnunarhópsins – hönnun nýbyggingar Heilbrigðisvísindasviðs HÍ.
- Hildigunnur Svavarsdóttir, forstjóri Sjúkrahúss Akureyrar – Sjúkrahús Akureyrar - tækifæri í nánustu framtíð.
- Hannes Þór Bjarnason, verkefnastjóri NLSH – HIMSS stöðumat á hugbúnaði og UT innviðum.

Lokaorð flutti svo Sigurður Helgi Helgason, forstjóri Sjúkratrygginga og stjórnarmaður í NLSH ohf.

Að lokinni dagskrá var flutt tónlistaratriði þar sem söngkonan Margrét Eir söng nokkur jólalög við góðar undirtektir.

Starfsmenn FSRE í heimsókn




Starfsmenn FSRE í skoðunarferð um framkvæmdasvæðið

Í byrjun desember komu starfsmenn frá FSRE í heimsókn og tilgangur heimsóknarinnar var að styrkja tengsl og miðla upplýsingum. Starfsmennirnir fengu almenna kynningu á verkefnum Nýs Landspítala með áherslu á framkvæmdaþátt verkefnanna. Einnig var stutt kynning á sértækum lausnum framkvæmdasviðs við áætlunargerð og framvinduskráningu framkvæmdaverka og öðru því sem Nýr Landspítali hefur þróað við rekstur verkanna.

„Starfsmenn framkvæmdasviðs FSRE fóru í vettvangsferð til NLSH við Hringbraut þar sem sviðsstjóri framkvæmda kynnti áætlaðar og yfirstandandi framkvæmdir á svæðinu. Heimsókninni lauk með göngu um framkvæmdasvæðið og inn í uppsteyptan meðferðarkjarna. Þetta var virkilega upplýsandi kynning og vettangsskoðun,“ segir Örn Baldursson deildarstjóri á framkvæmdasviði FSRE.

Tilboð opnuð í verkefirlit



Tilboð hafa verið opnuð í verkefirlit norðan og sunnan Burknagötu

Opnuð hafa verið tilboð í verkefirlit.

Tilboð bárust frá:

EFLA

a. Norðan Burknagötu 1.657.424.000,-

b. Sunnan Burknagötu 1.286.676.000,-

Mannvit

a. Norðan Burknagötu 1.869.840.000,-

b. Sunnan Burknagötu 1.462.160.000,-

VSÓ Ráðgjöf


a. Norðan Burknagötu 0,- .

b. Sunnan Burknagötu 1.527.998.800,-

Heildarfjárhæð skv. kostnaðaráætlun kaupanda fyrir a. og b. hluta er 3.145.120.000,- án vsk

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið  Akstursstefna  Gönguleið  Vinnusvæði 

Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is